



*Parabole des dix Vierges, dont cinq estoient sages, & cinq folles : & du devoir des vnes, & negligence des autres*

**D**ESVS nous voulant aduertir que ce n'est point assez de nous estre vne fois preparez pour le suiure, mais qu'il faut perseuerer iusques à la fin, il compare le Royaume de Dieu à dix Vierges, lesquelles prindrent leurs lampes & s'en allerent au deuant de l'Espoux. Or entr'elles y en auoit cinq sages & cinq folles : celles qui estoient folles, en prenant leurs lampes n'auoient point pris d'huile avec elles ; mais les sages auoient pris de l'huile en leurs vaisseaux avec leurs lampes : & commel'Espoux tardoit à venir, elles sommeillerent toutes, & s'endormirent. Or à la minuit on s'escria, disant ; Voicy l'Espoux, sortez au deuant de luy : Adonc se leuerent toutes ces Vierges-là, & apporterent leurs lampes. Et les folles dirent aux sages, Donnez-nous de vostre huile, car nos lampes s'esteignent, auxquelles les sages refuserent d'en bailler, disans : Nous n'en auons point assez pour nous & pour vous, allez en acheter. Or cependant qu'elles allerent en acheter, l'Espoux vint, & celles qui estoient prestes entrerent avec luy aux nopces, & la porte fut fermée. Les autres Vierges arriuées, disoient, Seigneur, Seigneur, ouurez-nous : mais il leur répondit, En verité ie ne vous connoy point. Veillez donc, car vous ne sçauiez ne le iour ne l'heure.

*S. Matthieu Chap. 25.*